

**BOSNA I HERCEGOVINA
FEDERACIJA BOSNE I HERCEGOVINE
KOMISIJA ZA VRIJEDNOSNE PAPIRE
FEDERACIJA BOSNE I HERCEGOVINE**

Broj: 05/1-19-169/10
Sarajevo, 27.05.2010. godine

Komisija za vrijednosne papire Federacije Bosne i Hercegovine, na osnovu čl. 11. i 12., a u vezi sa čl. 13. Zakona o Komisiji za vrijednosne papire („Službene novine Federacije BiH“, broj 39/98, 36/99, 33/04), 45., 46., 95., 100., 106. i 108. Zakona o investicijskim fondovima („Službene novine Federacije BiH“ broj 85/08), kao i u skladu sa odredbama člana 12. i 13. Pravilnika o uslovima poslovanja društva za upravljanje („Službene novine Federacije BiH“ broj 18/09 i 7/10), rješavajući po zahtjevu „ILIRIKA DZU“ Društva za upravljanje investicijskim fondovima d.o.o. Sarajevo, Štrosmajerova 1., Sarajevo za odobrenje prospekta i statuta Otvorenog investicijskog fonda sa javnom ponudom „ILIRIKA GLOBAL“, na 282. sjednici održanoj dana 27.05.2010. godine, donosi

RJEŠENJE

Odobrava se prospekt i statut Otvorenog investicijskog fonda sa javnom ponudom „ILIRIKA GLOBAL“, a kojim će po okončanju postupka prijenosa upravljanja sa DUF-a „MF Invest“ d.o.o. Sarajevo na „ILIRIKA DZU“ Društvo za upravljanje investicijskim fondovima d.o.o. Sarajevo upravljati „ILIRIKA DZU“ Društvo za upravljanje investicijskim fondovima d.o.o. Sarajevo.

Obrazloženje

„ILIRIKA DZU“ Društvo za upravljanje investicijskim fondovima d.o.o. Sarajevo je dana 14.05.2010. godine podnijelo Komisiji za vrijednosne papire Federacije Bosne i Hercegovine Zahtjev za odobrenje prospekta i statuta Otvorenog investicijskog fonda sa javnom ponudom „ILIRIKA GLOBAL“.

U vezi sa predmetnim zahtjevom konstatuje se da su odgovorne osobe „MF Invest“ Društva za upravljanje fondovima d.o.o. Sarajevo Rasema Hadžajlić i „ILIRIKA DZU“ Društva za upravljanje investicijskim fondovima d.o.o. Sarajevo Nedim Šaćiragić dana 07.05.2010. godine svojeručno potpisale i pečatima DUF-ova ovjerile Ugovor o prenosu poslova upravljanja OIF-om MF-GLOBAL.BA, a Komisija je dana 12.05.2010. godine izdala Rješenje broj:05/1-19-152/10 kojim je odobrila prienos upravljanja OIF-om MF-GLOBAL.BA sa DUF-a „MF Invest“ d.o.o. Sarajevo na „ILIRIKA DZU“ Društvo za upravljanje investicijskim fondovima d.o.o. Sarajevo.

U pratećoj dokumentaciji u vezi sa davanjem odobrenja prospekta i statuta Otvorenog investicijskog fonda sa javnom ponudom „ILIRIKA GLOBAL“, „ILIRIKA DZU“ Društvo za upravljanje investicijskim fondovima d.o.o. Sarajevo je dostavilo i:

- Rješenja o upisu u Registar fondova kod Komisije za vrijednosne papire za fondove kojima Društvo upravlja;

- Kopija Odluke o povećanju osnovnog kapitala Društva, br. 195-VI-5/09 od 05.02.10;
- Kopija prijave Općinskom sudu u Sarajevu o promjeni temeljnog kapitala te kopija rješenja Ministarstva spoljne trgovine i ekonomskih odnosa o promjeni sjedišta Društva od 08.03.10.;
- Kopija potvrde o deponovanju sredstava na ime povećanja osnovnog kapitala Društva, br. 337/10 od 15.02.10;
- Prospekt i statut Otvorenog investicijskog fonda sa javnom ponudom "ILIRIKA GLOBAL" od 23.04.2010. godine;
- Ugovor sa depozitarom, br. 1108/10 od 11.05.10;
- Kopija izvoda iz sudskog registra za Revizora, br. 065-0-Reg-09-001639 od 25.06.09;
- Obrazac zahtjeva za kupovinu udjela Fonda;
- Obrazac zahtjeva za otkup udjela Fonda;
- Obrazac zahtjeva za promjenu podataka;
- Obrazac zahtjeva za obavljanje dodatnih usluga;
- Obrazac dnevnog izvještaja za Fond;
- Zahtjev za zamjenu udjela;
- Zahtjev za prenos vlasništva;
- Kopija uplatnice na 1.000,00 KM po Tarifi naknada – tarifni broj 20.

Po uvidu u gore navedeni prospekt i statut Otvorenog investicijskog fonda sa javnom ponudom "ILIRIKA GLOBAL" i ostalu prateću dokumentaciju utvrđeno je da su ispoštovane zakonske norme i propisana odgovarajuća postupanja i rokovi u vezi sa prenosom poslova upravljanja nad OIF-om MF-GLOBAL.BA sa DUF-a „MF Invest“ d.o.o. Sarajevo na „ILIRIKA DZU“ Društvo za upravljanje investicijskim fondovima d.o.o. Sarajevo, te da će se te aktivnosti najkasnije završiti sa 20.06.2010. godine. Isto tako utvrđeno je da prospekt i statut Otvorenog investicijskog fonda sa javnom ponudom "ILIRIKA GLOBAL", sadrže odredbe propisane članom 100. i 108. Zakona o investicijskim fondovima. Imajući u vidu gore navedeno, ispunjeni su uslovi da Komisija u skladu sa čl. 11. i 12., a u vezi sa čl. 13. Zakona o Komisiji za vrijednosne papire, članom 45., 46., 95., 100., 106. i 108. Zakona o investicijskim fondovima, kao i u skladu sa odredbama člana 12. i 13. Pravilnika o uslovima poslovanja društva za upravljanje, donese rješenje kao u dispozitivu.

Pouka o pravnom lijeku

Ovo rješenje je konačno u upravnom postupku i protiv njega nije dopuštena žalba, ali se može pokrenuti upravni spor. Upravni spor se pokreće kod Kantonalnog suda u Sarajevu, u roku od 30 (trideset) dana od prijema ovog Rješenja.

Dostavljeno:

1. Podnosiocu zahtjeva (2x);
2. DUF-a „MF Invest“ d.o.o. Sarajevo;
3. Evidencija
4. Arhiva



Predsjednik
Komisije za vrijednosne papire
Federacije Bosne i Hercegovine

mr. Hasan Čelam